

Mali broj ljudi pokreće privatni biznis

04/12/2009 12:49 by Administrator

Jedna trećina stanovnika Banje Luke, njih 29,2 posto, u proteklih šest mjeseci, razmišljala je o pokretanju sopstvenog posla, a od toga samo 4,4 posto i započelo je neki posao. Istraživanje stavova građana Banje Luke o preduzetništvu relizirao je Centar za poslovnu edukaciju i preduzetništvo "Pro Educa" u okviru projekta "Business educa". Rezultati istraživanja pokazuju da polovina (49,5 posto) ispitanih građana Banje Luke nikada nije radila u nekoj od privatnih firmi.

S druge strane 40,3 posto ispitanika je radilo u privatnoj firmi, dok je svaki 10 ispitanik vodio sopstveni posao.

Ispitanici koji su radili u privatnom sektoru, bilo da su vodili svoj posao ili bili zaposleni kod privatnika opisalo je i svoja iskustva u vezi s tim. Nešto manje od dvije trećine ispitanika (60,1 posto) je zadovoljno iskustvom koje imaju u privatnom sektoru, dok je 40 posto imalo negativna iskustva.

Istraživanje stavova građana Banje Luke o preduzetništvu obuhvatilo je više od 1.200 ispitanika tehnikom usmenog intervjua, na osnovu unaprijed pripremljenog upitnika. (FENA)
Izvor vijesti: Sarajevo-x